

Digitized by the Internet Archive in 2011 with funding from Research Library, The Getty Research Institute

DE ROUBLIRAN CTURE

http://www.archive.org/details/lavrayesciencede00cous

LA VRAYE

SCIENCE DE LA POURTRAICTURE DESCRITE ET DEMONTRE'E

Par Maistre JEAN COUSIN, Peintre & Geometrien tres-excellent.

Representant par une facile instruction plusieurs plans & sigures de toutes les parties separées du corps humain: Ensemble les sigures entieres, tant d'hommes que de semmes & de petits ensans, veuës de front, de sil, & de dos, avec les proportions, mesures & dimensions d'icelles: Et certaines regles pour racourcir par Art toutes les digures.

Fort ville & necessaire aux Peintres, Statuaires, Architectes, Orfévres, Brodeurs, Menuisiers, & generalement à tous ceux qui aiment l'Art de Peinture, & de Sculpture.

A PARIS,

Chez Guillaume Le Be', ruë S. Iean de Beauvais, pres le Puits-Certain.

M. DC. LXXI.

SONNET.



Evaisseau sans Nocher, sans rame, & sans boussole A beau voguer sur mer s'il n'arrive à bon port, Lors qu'il pense toucher à l'arene du bord, La tempeste, & le vent luy montre un autre Pôle.

L'enfant sans Precepteur, sans livres, sans escole, En l'ignorance trouve & l'oubly & la mort: Le Pelerin se perd, qui sans conduite sort, Et sans aisle l'oiseau qui dedans l'air s'envole.

Ainsi quiconque veut en son Art estre expert, Sans l'Art de Portraicture en son œuvre se perd: Car la Portraicture est son Nocher & son Livre;


Sa conduite, son aisle, & avec elle il peut Voguer, scavoir, courir, voler où son cœur veut; Et faire son esprit en son ouvrage vivre.

AU LECTEUR, AMATEUR DE POURTRAICTURE.

E Philosophe, qui nommoit le premier fondement de la Peinture le miroir de toutes cho. ses, me semble luy avoir donné vn Epithete bien honorable, & non discordant de ses effets. Dedans quel glace aussi ou quel cristal peut-on mieux reconnoistre les ressemblances des choses creées, qu'en l'industrieuse varieté de la Pourtraicture? Les Corinthiens, qui disent qu'vn de leurs compatriotes en fut l'Inventeur, la nomme la seconde nature, & l'ornement plus exquis de l'Univers: à la verité il n'y a rien (comme dit Vitruve) qui embellisse, repare & decore davantage les ouvrages des hommes que la Peinture, qui donne de l'enrichissement à toutes choses, sans qu'aucunes luy puissent rendre la pareille. C'est pourquoy les Empereurs ante-seculaires l'ont mise devant la Sculpture, & recherché avec dépens & diligence les labeurs, & les fruicts de journées des Peintres, qui eurent du bruit de leurs regnes, jugeans que leurs Palais & leurs demeures augustes n'estoient que des bastimens, attendans la perfection où la Pourtraicture épargnoit son excellence. Il se lit mesmement qu'ils gageoient des Peintres & Pourtraicteurs, qu'ils faisoient venir de loin pour faire orner de diversitez de figures, les Colomnes, les Arcs triomphaux, & les Portaux que le pays leur érigeoit pour gratisser leurs ovations, & pour embellir les Temples, où ils rendoient grace aux Dieux de leurs victoires, qu'ils vouloient estre mises & exposées aux yeux de la posterité par ces admirables artifices. Ces considerations m'ont émeu à ouvrir les voyes par lesquelles pourroient marcher ceux qui desirent atteindre & parvenir à la delectable perfection de la Peinture. Ce que ie croy avoir fait avant mis en lumiere les œuvres de Monsieur Cousin, homme reconnu tres-capable par ceux qui honorent ce bel Art, lesquelles ie te represente pour en faire ton profit, & t'avancer en la connoissance de ses perfections, qui passent la Sculpture & les exercices de tous les Arts, qui travaillent apres l'imitation des choses yeuës. Adieu.

PROPORTIONS ET MESURES DE LA TESTE VEÜE DE FRONT, ET PARTICULARITEZ D'ICELLE.

A teste veuë de front ou par devant, se dépeint par le moyen d'vn cercle ou tour du compas, la moitié duquel est de ligne apparente, l'autre moitié de ligne punctuée de la ligne diametrale à niveau punctuée, posant la pointe du compas sur l'extremité d'icelle, se forme le traict de la jouë d'vn costé jusques au menton par une ligne courbe: faisant le semblable à l'opposite, se forme l'autre jouë, qui nous donne l'ovale en pointe comme un œuf; puis traversant le centre du cercle jusques à l'intersection des deux lignes courbes qui nous forment les jouës par une ligne perpendiculaire sur icelle, faut marquer quatres égales, qui sont marquées dehors l'ovale 1.2.3.4. Et sur la ligne du milieu qui separe l'ovale en deux, ayant divisé ladite ligne en cinq parties, sur la seconde & quatriesme partie saire les yeux: & l'œil sera divisé en trois parties, dont la partie du milieu sera le tour de la prunelle, comme il appert à l'œil separé marqué A. Puis à la tierce mesure sur la perpendiculaire, faut sormer le nez de l'espace d'un œil. Continuant sur ladite perpendiculaire la quatriesme partie qui est depuis le nez jusques au menton, la faut diviser en trois, & sur la premiere partie faut former la bouche, prenant la mesure du coin de l'œil depuis le nez jusques à la prunelle de l'autre, la formant comme un arc turquois: Et les oreilles depuis la ligne des yeux jusques à la ligne du nez, & la grosseur du col, de la moitié de la teste, comme il se voit en la figure où il n'y a que le traict, duquel on en fait celle qui est ombragée.



PROPORTIONS ET MESURES DE LA TESTE VEUE

DE COSTE', OU PROFIL, ET PARTICULARITEZ D'ICELLE.


L A teste veuë de costé ou profil, se fait par les mesmes mesures que la precedente, mais il faut sur la ligne diagonale punctuée du cercle punctuée, reculer le centre second, du premier, de la mesure de l'œil pour en auoir le derriere de la teste : puis faut tirer vne petite perpendiculaire procedante de ligne occulaire, faisant le milieu de l'ouale, iusques à la tierce partie hors ladite ouale, pour former le nez aussi: pareillement faut tirer vne petite ligne perpendiculaire du nez, ioignant le cercle punctué, iusques à la quarte partie, faisant le menton, divisant ladite petite perpendiculaire en trois parties, & sur la premiere faut former la bouche, & n'en prendre que la moitié, comme il appert à la bouche separé marquée C, & l'œil aussi se forme d'vne moitié, comme la bouche, ainsi qu'il appert à l'œil separé marqué B, & le col de la grosseur de la precedente teste. Pour le regard du poil & cheueux cela se fait à la volonté, commençant à la premiere partie d'enhaut. Et auec le mesme traict, & les mesmes mesures on en fait l'autre teste auec sesombres.

ADVERTISSEMENT AU LECTEUR.

Pour CE que le Sieur Jean Cousin voulant faire les demonstrations necessaires à l'instruction & parfaite intelligence de l'Art de Portraicture, il a esté obligé de parler des lignes les plus ordinaires de la Geometrie, qui sont la Perpendiculaire, Diagonale, Parallele, Orthogonale, & autres; & de leurs interlections, comme vous venez de voir és deux precedentes figures, J'ay voulu (Amy Lecteur) vous avertir que pour la connoissance d'icelles vous aurez recours à la fin de ce Livre, où vous les trouverez representées. Proportion & mesure de la Teste veuë de trois quartiers, & par derriere, & particularitez d'icelle.

A La teste veuë de ce regard, qui est de trois quartiers, faut user de la mesme maniere qu'en la pre-cedente: & ayant reculé ce centre second comme l'autre, pour en faire le derrière de la teste, faut faire la perpendiculaire divisée en quatre parties, sur l'extremité de laquelle perpendiculaire par le haut faut poser la pointe du compas de la mesure de la ligne diametrale ponctuée, sur le cercle ponctué, & en faire une petite ligne courbe hors l'ovale du costé senestre, & rapporter la pointe du compas sur l'extremité de la perpendiculaire d'embas, prés le menton marqué O, pour en faire une intersection d'une autre petite ligne courbe, avec la susdite premiere marquée O, & sur cette marque faut derechef poser la pointe dudit compas, observant la mesme mesure diametrale ponctuée du cercle, & en faire la ligne courbe ponctuée, procedante de l'extremité de la perpendiculaire d'enhaut, jusques à l'extremité de la perpendiculaire d'embas, marquées O, tant en haut qu'en bas, & sur icelle ligne courbe ponctuée, faut tirer une petite ligne perpendiculaire de la ligne oculaire, iusques à la 3. mesure finissante au cercle pon-Aué, & sur l'intersection de la ligne courbe ponctuée, & dudit cercle ponctué faut former le nez, & divisant la 4. partie depuis le nez jusques au menton entrois, faut poser la bouche sur la 1. partie: mais faut noter, que la moitié de la bouche du costé de l'oreille est de la mesure entiere, & l'autre n'est que de la moitié de l'œil, à cause du racourcissement, & le col de sa grosseur comme dessus. L'oreille aussi en est la mesme espace, joignant le traict du derriere de la teste, comme il se peut voir en la presente figure. Les marques A, B, C. c'est pour venir au plan ou nombre de la teste racourcie, comme la voyant par dessus la sommité de la teste, qui se fait du cercle premier punctué, & de son reculement du second centre pour en avoir le derrière de ladite teste: & par mesme moyen de la ligne diametrale du regard à 3. quartiers, & des yeux dudit plan ou ombre, nous élevons 4. perpendiculaires ponctuées, pour former & faire les yeux qui sont au dessus dudit plan, & par ce moyen l'œil senestre se trouvera plus grand que le dextre à cause du racourcissement: tellement que pour bien faire une teste à trois quartiers, nous faut aider de son plan pour en avoir ce qui est racourcy. Et le derriere de la teste veuë directement de front, se fait par la mesme regle de la premiere teste veuë de front par le visage, il n'y a qu'à retrancher le centre du second cercle sur la perpendiculaire marquée O, d'une tierce partie de l'œil, & les derrieres des oreilles en leurs places, comme a esté declaré cy-devant: & ayant le traict de ces testes, on y adjouste les ombres selon que le jour donne dessus, & les cheveux à la volonté de l'ouvrier.


Proportion & mesure de la teste veuë de trois quartiers & par derriere, & particularitez d'icelle.



TESTES RACOURCIES DE FRONT.

PREMIEREMENT, faut user des proportions & mesures de la teste, comme a esté declaré cy-devant sur la ligne penchante punctuée, marquée par le haut A, & B, par le bas: & ayant fait la teste veuë de costé ou prosil, faut tirer lignes punctuées à niveau procedantes de ladite teste, pour en faire la teste racourcie veuë de front, observant les deux cercles marquez d'un O, & un poinct au milieu, faisant le centre desdits cercles: & où les lignes punctuées à niveau viennent à donner, faut marquer les yeux, le nez, la bouche, & le menton, l'extremité du front, & les oreilles, comme il appert par ces figures racourcies marquées de petite lettre a, par le haut, & b, par le bas perpendiculairement: & de la mesme manière & methode faut user aux testes toutes racourcies, qui sont representées dessous les susdites, usant de deux centres marquez O, & le poinct dedans pour les sus centres comme dessus.

Testes racourcies de front.




B .ij

TESTES A TROIS QUARTIERS RACOURCIES.

En ces figures se faut aider des precedentes figures veuës par le costé ou profil, mais de la ligne ponctuée penchante, marquée d'une petite 4 & un o aux deux bouts, en faut prendre la distance & mesure pour en faire comme l'ombre des susdites testes, qui servira pour montrer les lignes ponctuées perpendiculairement à la teste que voulons figurer à 3. quartiers: & les intersections que font lesdites lignes ponctuées à niveau, procedantes des testes veuës de costé ou profil, nous donnent la place & situation des yeux, du nez, de la bouche & du menton, comme il appert par lesdites figures. Ainsi faut-il observer ausdites testes veuës de costé ou profil, sur les lignes ponctuées penchantes, le centre marqué o, & le poin & dedans pour faire les yeux, le nez, la bouche & le menton, observant sur icelles lignes punctuées les proportions de l'œil au nez, du nez à la bouche, de la bouche au menton, comme a esté dit, conduisant les dites proportions par le compas de lignes courbes ponctuées, pour faire pencher les testes racourcies, tant par en haut que par bas.


Les deux testes marquées A, B, qui ne se voyent à plain par le visage, mais plus par le derriere, se font comme les precedentes.



PARTICULARITEZ DES MAINS VEUES PAR DEDANS, PAR DEHORS, ET PAR LE COSTE'.

A proportion de la main consiste en trois mesures & proportions de nez, de laquelle mesure faut saire trois quarrez egaux, ponctuez & marquez perpendiculairement, 1 2. 3. dont la base du tiers quarré d'embas se divise en deux parties égales, pour y adjouster une moitié, faisant une tierce partie de ladite base marquée 1.2.3. qui nous donne le moignon du poulce & le premier doigt prés dudit poulce, montant une ligne ponctuée jusques à la sommité de l'angle, la dextre du quarré marqué1, faisant une quille ponctuée, dans laquelle est ledit premier doigt, la grandeur duquel n'excede la premiere jointure extréme d'enhaut du doigt du milieu en trois parties égales, les deux parties de la jointure d'enhaut dudit tiers doigt, comme il appert à la figure de la main representant le dedans marqué B, & le poulce n'excede la jointure seconde du premier doigt. Reste la quatriéme partie faisant le poignet, qui est la mesure du nez, dont la base est divisée en quatre parties, qui nous sert aux mains veuës de costé. Les mesmes mesures sont observées, tant au dehors de la main marquée A, comme au dedans marqué B, C, & ausdites mains de costé semblablement, y faut observer les mesmes mesures: mais les mains estans veuës de costé ne contiennent que trois mesures de la base du poignet, comme il appert aux figures desdites mains cy-dessous representées marquées 1. 2. 3. 4 sur une ligne penchante ou diagonale, dans une forme d'ovale, au dessous du poignet marqué B, & A, qui nous represente l'ombre ou plan Geometrique dudit poignet.

Particularitez des mains veues par dedans, par dehors, & par le costé.



PARTICULARITEZ DES MAINS RACOURCIES,

AVEC LEURS PROPORTIONS ET MESURES.

DOUR racourcir les mains, faut tirer lignes perpendiculaires punctuées des mains veues de costé ou profil, marquées de leurs proportions & mefures, 1. 2. 3. 4. sur lesquelles le Soleil donne jusques à la ligne diagonale marquée aux extremitez O, & renvoyer la reflection d'icelles lignes à niveau,
punctuées sous les mains racourcies, pour en avoir les ombres lesquelles saut
tirer lignes montantes punctuées perpendiculairement, jusques aux lignes à
niveau punctuées procedantes des premieres mains veues de costé ou profil:
& les intersections desdites lignes punctuées, montantes perpendiculairement à niveau, nous donnent les mains racourcies, marquées A, B, C, D,
Et tout ainsi que l'œil qui regarde les mains veues de costé ou profil, ainsi
l'operateur voit les mains racourcies par le moyen de leur ombre.


Particularitez des mains racourciës, avec leurs proportions & mesures. D

N cette figure se faut conduire & operer par la mesme voye de la precedente figure, où j'ay entierement fait demonstration de la vraye pratique de laquelle on doit vser: mais je vous ay representé icy les diversitez qui se peuvent mettre en vsage, pour tous sujets de différentes veuës.

PARTICULARITEZ DES PIEDS VEUS DE COSTE', PAR DEDANS,


ET PAR DEHORS, DE FRONT ET PAR LE TALON, ET PROPORTION D'ICEUX.

E pied veu de costé ou profil contient quatre mesures du nez, qui font la mesure de la teste; mais il faut ladite mesure du pied marquée 1.2.3.4. diviser en trois parties, pour nous servir d'vne tierce partie à la grosseur du bas de la jambe veue de costé, puis faut prendre la mesure de la jointure du cou-du-pied marquée d'vne ligne punctuée penchante A, par le haut, & C, par le bas, prise depuis le cou-du-pied jusques à la premiere jointure du poulce, qui est la mesure d'vn nez & demy, comme la base de la main, pour en faire ladite hauteur du cou-du pied : le petit doigt du pied n'excede ladite premiere jointure du poulce, & les doigts suivans s'augmentent de grandeur chacun de leurs ongles jusques au doigt proche du poulce: le pied veu de costé par dehors, l'assiette & plante dudit pied est quasi à ligne droite à niveau, comme il appert à la figure du pied marqué A, B, C, & le pied veu de costé par dedans, se fait d'une ligne concave. Maintenant faut venir au pied veu de front, & par le talon, qui sont racourcis, & representez sous les susdits, faut pour la mesure de l'avant - pied prendre la distance de la jointure du cou-du pied marqué A, jusques à la moitié de la premiere & seconde jointure du poulce marqué B, puis faut diviser ladite mesure en trois parties pour separer les doigts du pied veu de front, sçavoir en la premiere partie, le petit doigt & son prochain: en la seconde partie le tiers doigt & son proche, & en la troisiéme partie le poulce particulierement. Et pour le pied veu par le talon, duquel la mesure est du nez, l'avant pied, comme en la precedente figure, & la grosseur du bas de la jambe au dessus de la cheville du pied, est de la mesme mesure du nez comme il sera dit cy-apres. cularitez de pieds veus de costé, par dedans & dehors, de front, par le talon, & proport. diceux. 12



PARTICULARITEZ DES PIEDS RACOURCIS, AVEC LEURS PROPORTIONS ET MESURES.

P O UR avoir le pied racourcy veu de front, faut faire le pied de costé, avec ses proportions & mesures veu par le dedans du pied marqué A, & de sessites proportions & mesures, marquées 1. 2. 3. 4. tirer les perpendiculaires jusques à la diagonale, renvoyer lignes paralleles à niveau, pour en faire l'ombre qui est dessous le pied racourcy, & de ladite ombre faut faire lignes perpendiculaires, montantes audit pied racourcy qui nous donne les intersections avec les lignes à niveau, procedantes du premier pied veu de costé, par le moyen desquelles intersections, nous donne le pied racourcy Geometriquement, comme il appert par les figures icy representées, dont les doigts des pieds sont marquez A, B, C, D, E, & ainsi du pied veu par le talon, marqué B: pareillement le pied marqué C, qui se leve par le devant: aussi le pied marqué D, se racourcissent par les mesmes regles & moyens que les autres dessusdits.



AUTRE FIGURE DES PIEDS RACOURCIS,

AVEC UNE MESURE.


OBSERVANT les mesmes regles que les precedentes, à tous ces pieds qui sont icy representez, ils se racourcissent tous de mesme façon. Et faut noter que les deux pieds marquez A, B, dautant qu'ils se voyent par dessus le cou-du-pied, l'vn marqué A, & l'autre par dessous la plante du pied marqué B, les ombres qui en proviennent se representent par le costé, & les lignes perpendiculaires, montantes desdites ombres avec lignes à niveau, procedantes des pieds marquez A, & B, nous donnent les pieds racourcis par leurs intersections: ensemble les doigts desdits pieds marquez A, B, C, D, E, de sorte que cette maniere de racourcir est generale pour toutes les figures qu'on veut racourcir.

PARTICULARITEZ DU CORPS HUMAIN, TANT DU DEVANT

QUE DU DERRIERE, DEPUIS LES ESPAULES JUSQUES AUX

GENITOIRES, ET PROPORTION D'ICELUY.

L toires, contient trois mesures de teste: sçavoir la premiere, des épaules aux tetins: la seconde, des tetins jusques au nombril: la troisséme, du nombril aux genitoires: la largeur des épaules contient deux mesures de teste, & à l'endroit des hanches & nombril deux mesures de visage, qui sont six longueurs de nez: les mesmes proportions & mesures faut observer au derriere, sçavoir depuis les espaules jusques à l'extremité du palleron, du palleron aux hanches, des hanches jusques aux fesses, comme il est representé par ces sigures, tellement que les proportions du devant sont semblables au derriere.




PARTICULARITEZ DU CORPS HUMAIN VEU DE COSTE', ET PROPORTION D'ICELUY.

Ensemble du Bras veu par le dessus.

A proportion & mesure du corps humain veu de costé, contient trois mesures de teste de longueur, comme les precedentes figures: & pour la longueur à l'endroit de l'épaule & du tetin, y faut observer cinq mesures de nez, comme il appert par la ligne punctuée marquée aux extremitez O, & la largeur à l'endroit des hanches & nombril, est d'une mesure de teste, comme il se voit par la ligne punctuée, marquée aux extremitez \(\frac{1}{2}\) & au dessous de la fesse, faut tenir la cuisse de la grosseur du visage contenant trois mesures de nez, comme il sera declaré cy-apres, traittant des proportions de la cuisse.

Le bras veu par dessus à l'endroit du coude contient vne tierce partie d'vne teste, comme il appert par la ligne punctuée marquée aux extremitez, & par le poignet de la mesure du nez, marquée de la ligne punctuée aux extremitezO, & joignant la main de la grosseur des trois parties du nez, dont les quatre sont le tout, comme a esté monstré & declaré aux proportions de la main veuë de costé.


Particularitez du corps humain, veu de costé, proportion d'iceluy: ensemble du bras veu par dessus.



PARTICULARITEZ DES BRAS VEUS PAR DEDANS


ET DEHORS, AVEC LEURS PROPORTIONS ET MESURES.

E bras a de longueur depuis le mouvement ou emboitement de l'épaule, jusques au mouvement du poignet du bras & de la main, deux mesures de teste, & la grosseur du bras à l'endroit de l'épaule contient deux mesures de nez, qui sont la moitié de la teste: & au dessus du coude marqué par haut & par bas O, contient vne troisséme partie d'une teste, & à l'endroit du coude: & le muscle à l'opposite dudit coude marqué d'estoille par haut & par bas, est de la grosseur de l'avant-pied prise de son mouvement, & de la moitié du premier & second mouvement du poulce, laquelle grosseur est observée au genoüil, comme il sera veu en la suivante sigure: & à l'endroit du poignet marqué par haut & par bas 4. mesure du nez, laquelle mesure se doit observer au bas de la jambe, & les mesmes mesures & proportions qui sont observées au dedans du bras, les saut observer de mesme au dehors.




PARTICULARITEZ DES BRAS RACOURCIS.

E bras estendu de son long, avec ses proportions & mesures sur la ligne à niveau marquée A, B, C, veu par le costé, nous donne le racourcissement en cette presente figure de trois sortes; sçavoir, la premiere toute de front marquée A, la seconde vn peu de costé marquée B, qui se voit par le dedans du bras, & la tierce qui se voit par le dehors du bras marqué C: Et le moyen pour y parvenir, faut tirer les lignes per-pendiculaires du bras estendu de son long, jusques à la ligne diagonale marquée des deux bouts O, & renvoyer la ressection d'icelles lignes rectangulairement des lignes à niveau pour en avoir les ombres desdits bras: mais il faut observer vne consideration à cesdites ombres, comme ainsi que le Soleil donne directement à plomb dessus ledit bras, aussi nous en faut-il prendre le traict pour en faire l'ombre, & de là en faut tirer lignes perpendiculaires montantes avec les lignes à niveau procedantes du premier bras estendu, l'intersection desquelles nous donne les bras racourcis que nous cherchons, comme appert par l'ombre marquée A, qui nous donne le bras racourcy tout de front marqué A, & l'ombre marqué B, qui est vn peu de costé, nous donne aussi le bras raçourcy veu par dehors marqué C, lequel se voit par l'œil marqué C, & les deux autres par l'œil marqué A, B, tellement que par l'intersection des lignes perpendiculaires montantes & procedantes des ombres, avec les lignes à niveau procedantes du bras veu de son long, se trouvent les bras racourcis comme on veut.




PARTICULARITEZ DES BRAS RACOURCIS AVEC LEURS PROPORTIONS ET MESURES.

Comme il est icy representé, est faite exprés pour la rierce figure entière veuë de costé, qui est au commencement traitant des proportions & mesures. Et pour avoir la certitude du racourcissement, faut vser de la mesme regle que nous avons vsé par cy devant, sçavoir, tirer les perpendiculaires jusques à la diagonale marquée aux extrémitez d'icelle, O, & en faire les ombres comme de coustume, & desdites ombres saire monter les lignes perpendiculaires avec les lignes à niveau procedantes du bras vn peu ployé premierement sait, l'intersection desquelles lignes nous donne le racours des bras racourcis, que nous voulons representer, comme appert par lesdites figures racourcies desdits bras racourcis, & ainsi consequemment de toutes.




PARTICULARITÉZ DES JAMBES VEUES PAR DEDANS ET DEHORS, AVEC LEURS PROPORTIONS ET MESURES.

La plante du pied contient quatre mesures de teste, & la grosseur de la cuisse à l'endroit des genitoires contient trois mesur es du nez, qui est la longueur du visage, marquée d'vn costé & d'autre O, à l'endroit du genoüil marqué d'estoilles est de la grosseur de l'avant-pied prise de son mouvement, & moitié du premier & second mouvement du poulce (comme a esté dit cy-devant) & à l'endroit de la ratte ou mollet de la jambe, est de la distance depuis le mouvement du cou-du-pied jusques au second mouvement du poulce, & le bas de la jambe marqué du costé & d'autre 4. est de la messure du nez: tellement que la grosseur du poignet du bras veu de sa large ur, & le bas de la jambe veu de front, sont de mesme mesure comme le geno üil, & le bras au droit du coude.



A mesure parsaite de la jambe doit estre de quatre mesures & grandeurs de la teste de l'homme ou de la semme, à mesurer la jambe depuis le membre viril jusques au mouvement du pied, comme les lignes ponctuées à niveau vous le monstrent, & que le pied aye en sa longueur vne de ces mesures, pour estre en sa persection, & que la cuisse aye la mesme grosseur à l'endroit de la fesse, comme la presente figure le represente.



PARTICULARITEZ DES JAMBES ET, CUISSES RACOURCIES.

ES jambes & cuisses se racourcissent comme les precedentes figures, sçavoir en tirant des lignes perpendiculaires, punctuées procedantes des sommitez de la jambe & cuisses veuë de costé où le Soleil donne dessus, jusques à la ligne à niveau marquée A, & renvoyer diagonalement la reflexion d'icelle à la ligne perpendiculaire marquée B, par semblable distance qu'elles sont sur ladite ligne à niveau marquée A, faisans leurs termes sur ladite perpendiculaire marquée B, desquels termes faut tirer lignes à niveau punctuées pour en avoir l'ombre de la premiere figure veuë de costé où le Soleil donne, observant la proportion & mesure de leurs grosseurs: puis pour apres en tirer lignes perpendiculairement à la figure des jambes & cuisses au dessus de la ligne à niveau marquée A, & les intersections que font les dites lignes montantes avec lignes à niveau punctuées, procedantes de la premiere figure où le Soleil donne, nous avons par ce moyen la figure des jambes & çuisses raçourçies par le moyen de l'ombre de ladite premiere figure.


Particularitez des jambes & cuisses racourcies

PARTICULARITEZ DES JAMBES ET CUISSES RACOURCIES.

ENTRE la figure precedente & celle-cy, il n'y a difference, sinon que l'ombre de la presente figure est penchée diagonalement, comme appert par la ligne diagonale, traversante au milieu de ladite ombre, sur laquelle sont marquées les mesures, qui sont sur la ligne à niveau marquée A, procedantes perpendiculairement de la figure des jambes & cuisses veuës de costé où le Soleil donne, & les mesures qui servent à la jambe & cuisse plovée contre la fesse 1. 2.3. 4.5. faut tirer rectangulairement de la diagonale où est l'ombre, lignes marquées 1. 2. 3. 4. 5. pour en faire l'ombre de la dite jambe ployée: & de l'autre jambe estenduë, de la premiere figure en faut prendre les mesures sur la ligne à niveau marquée A, pour les rapporter sur laditeligne diagonale à l'opposite, pour faire l'ombre de l'autre-dite jambe estenduë, lesquelles ombres faites (observant leurs grosseurs) en faut tirer lignes montantes perpendiculairement à la figure racourcie, qui est au dessus de ladite ombre, & en faire intersections avec les lignes à niveau, procedantes de la premiere figure de costé où le Soleil donne : le reste se fait tout de mesme la precedente regle.

LES TROIS FIGURES ENTIERES ANATOMIQUES, SCAVOIR LE DEVANT, LE DERRIERE, ET LE COSTE'.


N ces trois figures entieres anatomiques nous sont representez les muscles tant du devant, du derriere, que du costé, & les dites figures se sont par l'observation des proportions & mesures, comme a esté declaré par cydevant: & faut noter que le traist de la figure de devant sert aussi pour la figure du derriere; de sorte que faisant l'vn, vous saites l'autre quant au traist, le prenant à l'opposite, & les huist espaces qui sont entre les neuf lignes à niveau, sont les huist mesures & proportions de la teste, qu'il faut observer au corps humain.



PROPORTION ET MESURE DE LA FEMME

VEUE PAR DEVANT.

A proportion & mesure de la semme veuë par devant est semblable à l'homme, excepté que la mesure des épaules de la semme ne contient que deux mesures de visages, comme appert par la ligne à niveau, punctuée au travers du sein, & par les hanches jusques aux sesses deux mesures de teste, marquées d'vne autre ligne punctuée pareillement, qui fait la difference de l'homme & de la semme; & saut tenir les bras, jambes & cuisses, plus gros, & plus sournis que de l'homme, jusques au poignet des mains, & aux chevilles des pieds, comme appert par la presente figure: aussi ne faut saire les muscles comme à l'homme.



PROPORTION ET MESURE DE LA FEMME VEUË PAR LE DERRIERE.

DE mesme maniere qu'avons sait la precedente sigure, ainsi faut-il saire à cette-cy sans rien y changer quant à la mesure, sinon qu'observer les muscles, qu'il saut remarquer au derriere plus doucement qu'en la sigure de l'homme, comme a esté dit, & appert en la presente sigure.

Proportion & mesure de la semme veuë par le derriere;

PROPORTION ET MESURE DE LA FEMME ET DE L'ENFANT VEUS PAR LE COSTE'.

A femme veuë par le costé est de la mesure & proportion des precedentes sigures veuës par devant & derriere, quant à la hauteur & longueur, & l'enfant de mesme: mais pour la largeur à l'endroit des mammelles, & du ventre au droit des hanches sont d'vne mesme longueur & grosseur, qui est d'vne teste, & d'vne tierce partie d'icelle: & par le foix du corps marqué d'vne ligne à niveau, punctuée, est d'vne mesure de teste: la grosseur de la cuisse au dessous joignant la fesse, est aussi de la grosseur & mesure d'vne teste, les genouils de la grosseur du col, les poignets des bras, & le bas des jambes joignans la cheville des pieds de la moitié du col: & le corps de l'enfant est gross d'vne grandeur de teste: la grosseur de la cuisse est de la grandeur du visage, les bras & les jambes sont comme sont les presentes sigures, & la main de l'enfant est de la grandeur du visage, depuis le menton jusques aux yeux de l'enfant, & le pied est de la grandeur depuis le commencement du front jusques à la bouche.




PROPORTION ET MESURE DE L'ENFANT VEU PAR LE DEVANT.

L'aproportion & mesure de l'enfant ne contient que cinq mesures de teste, sçavoir trois depuis la sommité de la teste jusques aux genitoires, & deux autres comprises aux cuisses & jambes, comme appert en la presente sigure veuë par le devant, & à l'endroit des épaules est de la grandeur d'vne teîte, mai quée aux extremitez d'vne ligne à niveau ponctuée O, & par le foix du corps faisant la seconde marquée d'vne autre ligne à niveau punctuée, est de la grandeur d'vne teste, la grosseur de la cuisse par le haut marquée d'vne ligne ponctuée à l'endroit des genitoires, est de la grandeur & distance d'vne tierce partie de deux mesures de teste ensemble: le genouil marqué d'vne petire ligne punctuée à niveau, & d'vne petite croix aux deux bouts, est de pareille grosseur & distance que depuis l'œil jusques au menton: le bas de la jambe & le bras sont de la moitié de la grosseur du col. Et depuis l'extremité des doigts d'vne main d'vn costé à l'autre, y a cinq mesures de teste, comme à la sigure, ainsi qu'il appert par ces petites marques de croix commençans d'vn costé à l'extremité des doigts, puis au coude, puis à l'épaule, & autant de l'autre costé à l'opposite.


PROPORTION ET MESURE DE L'ENFANT. VEU PAR DERRIERE.

A regle precedente sans rien innover ny changer, nous servira pour la presente figure veuë par derriere, tellement que les proportions & mesures qui sont gardées & observées en ladite precedente figure sont les mesmes mesures de la presente: pour ce n'est besoin d'en faire autre repetition, ny autre discours, puis que c'est la chose mesme.




POUR LA FIGURE DE L'HOMME VEUE DE FRONT, OU PAR DEVANT.

En cette premiere figure veuë par le devant, nous declarons les mesures qu'il faut observer depuis la sommité de la teste jusques à la plante des pieds, qui sont en nombre de huit mesures de teste, & la teste quatre mesures de nez, lesquelles huit mesures faut marquer sur vne ligne perpendiculaire dont la teste fait la premiere marquée 1. la seconde jusques aux tetins 2. la tierce jusques au nombril3. la quatriéme iusques aux genitoires, faisant la moitié du corps 4. la cinquiéme à la moitié de la cuisse s. la sixième au dessous du genouil 6. la septiéme au dessous de la ratte 7. la huitiéme iusques au talon & plante du pied 8. Semblablement les huit mesures s'observent depuis les extrémitez des doigts de la main dextre, iusques à l'extrémité des doigts de l'autre main senestre: la largeur des épaules contient deux mesures de teste, & à l'endroit des hanches deux mesures de visages, qui font six longueurs de nez, comme il appert en la simple presente figure, où il n'y a que le traie, qui nous sert d'ordonnance ou ébauchement, pour venir aux ombres & perfection de l'autre figure, y observant le mesme trai & mesure qu'à la premiere. Et quant aux particularitez, nous en avons declaré plus amplement les proportions & mesures cy-devant.



SECONDE FIGURE ENTIERE VEUE PAR DERRIERE.

CONTINVANT la seconde figure veuë par le derriere, faut pareillement observer les huit mesmes metures & proportions sur la ligne perpendiculaire, & semblablement depuis les extrémitez des doigts d'vne main à l'autre. Et faut noter que la mesure de la main ne contient que trois longueurs de nez, & que la quatriéme partie est comprise au poignet & jointure de la main & du bras, la grosseur de laquelle jointure est de la mesure de la longueur du nez, & l'endroit du coude veu par devant & derriere de la grosseur du col, qui contient deux parties du nez; les genoux sont de mesme grosseur, la cuisse par le haut à l'endroit des genitoires de la grosseur de la teste, faisant trois mesures de nez, & venant aux bas des jambes à l'endroit des chevilles du pied de la grofseur du nez, comme au poignet des bras: le pied veu de son long est de la mesure d'vne teste, comme il est plus amplement declaré aux particularitez, & comme il appert en la simple figure du traict servant d'ébauchement pour venir à la figure representée avec ses ombres.



TROISIESME FIGURE ENTIERE DE L'HOMME VEUE PAR LE COSTE'.

A troisième figure veuë par le costé, se fait par la mesme reigle que les precedentes, sçavoir sur la perpendiculaire les huit proportions & mesures.


A l'endroit de l'estomach & le palleron, saut observer cinq proportions & mesures du nez, à l'endroit des hanches quatre mesures dudit nez, & le reste comme les sussities sigures: & quant à la teste veuë de costé, elle est plus large d'vne troisième partie du nez que la teste veuë de front; la cuisse de costé est aussi
de la mesme mesure & proportion: & pour le regard du bras qui se leve en haut,
dautant qu'il consiste en racourcissement, nous declarerons la regle & la methode qu'il faut tenir pour ce faire en temps & lieu. Le pied de la presente sigure est de la mesure & proportion de la longueur de la teste, comme a esté dit
cy-devant, & comme il se voit par la figure du traict simple, qui sert aussi
pour la mesme figure, avec ses ombres selon que le jour donne.



DEMONSTRATION DE DEUX FIGURES VEUES L'UNE PAR LE DEVANT, ET L'AUTRE

PAR LE DERRIERE.

C'euë par devant, nous en pouvons faire le derriere à l'opposite, ou bien veuë par derriere en faire le devant (comme il appert par ces figures) & sont icy remarquez les bras racourcis marquez AB, par leurs ombres (comme a esté par cy-devant declaré) de sorte que pour avoir le racours, faut yser de la methode ordinaire.



DEMONSTRATION DE DEUX AUTRES FIGURES ASSISES,

L'UNE VEUE PAR DEVANT, ET L'AUTRE PAR DERRIERE,

TOUTES DEUX D'UN MESME TRAICT.

N ces deux autres figures cy-assises nous est demonstré que par le traict de l'une desdites figures, l'autre s'en fait à l'opposite, tellement que c'est la mesme precedente regle, & le racourcy des bras se fait semblablement ainsi, de sorte qu'il n'y a nulle difference entre les precedentes figures, & celle-cy.

Demonstration de deux autres figures assises, toutes deux d'vn mesme traict. I ij

FIGURE ENTIERE DU CORPS HUMAIN RACOURCIE DE FRONT, VEUE PAR LA PLANTE DES PIEDS,

LE VENTRE DESSUS.

A YANT observé les proportions & mesures de la figure veuë par le costé de son long toute estenduë, marquée sur la ligne à niveau 1.2.3.4.5.6.7.8. la reflexion d scelle, & faut tirer diagonalement des lignes paralleles jusques sur la ligne perpendiculaire, provenante de l'extremité des doigts des pieds de ladite figure, faisant leurs termes sur ladite perpendiculaire marquez 1.2.3.4.5.6.7.8. & desdits termes faut tirer lignes à niveau paralleles à la susdite ligne, pour en taire l'ombre de ladite figure, & sur les espaces 1. 2. 3. 4 5. 6. 7. 8. faut observer ce qui est representé en la figure premiere veuë de costé: mais faut toussours vser de la consideration, que l'ombre qui en provient est toute de front, comme si le Soleil donnoit directement à plomb dessus ladite figure, comme il appert en ladite figure de l'ombre, observant ses proportions & mesures en sa largeur. Et pour en avoir la figure racourcie, faut tirer lignes perpendiculaires montantes jusques aux intersections des lignes à niveau procedantes de la figure estenduë de son long veuë de costé, comme il se voit en cette figure racourcie estant directe. ment à plomb & perpendiculairement : & tout ainsi que l'œil marqué A, regarde par la plante des pieds la figure qui est est enduë de son long, ainsi se voit la figure racourcie.

La petite mesure separée en quatre parties égales, represente la mesure de la teste qu'il a fallu faire plus petite que la precedéte des particularitez, pour faire nos figures entieres.

FIGURE ENTIERE DU CORPS HUMAIN RACOURCIE

DE FRONT, VEUE PAR LA SOMMITE

DE LA TESTE, LE VENTRE DESSUS.

CETTE figure avec ses proportions & mesures, comme la precedente veuë de front par la sommité de la teste, se fait par les mesme raisons & regles que ladite precedente, & n'y a nulle difference, sinon que la precedente se voit par la plante des pieds, & celle-cy par dessus ou sommité de la teste, comme il appert.

Figure entiere du corps humain racourcie de front, veuë par la sommité de la teste, le ventre dess. 36




FIGURE ENTIERE DU CORPS HUMAIN RACOURCIE UN PEU DE COSTE', VEUE PAR LA PLANTE

DES PIEDS, LE DOS DESSUS.

Cainsi faut-il vser desemblable methode à celle-cy, & ayant fait la figure estenduë de long par le costé le dos dessus, faut aussi observer ses proportions & mesures, comme il appert sur la ligne à niveau 1.2.3.4.5.6.7.8. & renvoyer lesdites proportions & mesures par lignes diagonales sur la perpendiculaire qui separe la figure racourcie & l'ombre de la susdite figure veue de costé: puis pour faire la figure de l'ombre, faut tirer vne ligne penchante au milieu de ladite figure, & y observer les proportions & mesures marquées 1.2.3.4.5.6.7.8. la premiere marquée 1. pour la teste; la seconde 2. pour les épaules, & ainsi consequemment des autres jusques à la huictième mesure, & faire la figure de l'ombre comme si le Soleil donnoit directement à plomb sur le dos, pour en prendre le traict, puis faut tirer lignes perpendiculaires, montantes & procedantes de la figure estenduë de son long, & veuë de costé, desquelles interse-Ctions il s'enfait la ligne racourcie un peu de costé, & comme il appert en demonstration de la presente figure estenduë par la plante des pieds, le dos dessus.

Figure entiere du corps humain racourcie vn peu de costé, veuë par la plante des pieds le dos dessus. 1-1-1

FIGURE ENTIERE DU CORPS HUMAIN RACOURCIE UN PEU DE COSTE' VEUE PAR LA SOMMITE'

DE LA TESTE, LE DOS DESSUS.


A precedente demonstration nous servira en cette figure racourcie, veuë par la sommité de la teste sans rien changer : car des lignes montantes perpendiculairement procedantes de la figure de l'ombre, jusques aux lignes à niveau de la premiere figure marquée A, les intersections d'icelles nous donnent nostre figure racourcie, veuë par la sommité de la teste.

Figure entiere du corps humain racourcie vn peu de costé, veu par la somité de la teste, le dos dessus. js 1j

CONFIRMATION DES FIGURES

RACOURCIES.

Cles precedentes, & pour monstrer que tant plus l'ombre des figures est perpendiculaire, d'autant plus les figures sont racourcies, comme il appert par les marques 1. 2. 3. 4. 5. 6. 7. 8. 9. 10. 11. 12. 13. 14. sur la ligne penchante, & sur laquelle faut representer l'ombre de la figure marquée A, qui est nostre premier subjet, & vsant de la regle generale, nous en avons nostre figure racourcie.



ADVERTISSEMENT TOUCHANT LES LIGNES

ET INTERSECTIONS QUI SONT AUX

FIGURES DE CE LIVRE.

MY LECTEVR, dautant qu'il est fait mention en ce Livre de plusieurs A lignes & intersections qui sont necessaires pour l'intelligence, usage & pratique de cette œuvre, j'ay voulu icy te representer lesdites lignes & intersections, & declarer comme on les appelle communément. La ligne perpendiculaire ou à plomb est marquée A. La ligne au niveau ou nivellée B. La ligne penchante tant d'vn costé que d'autre, autrement diagonale, que les Menuisiers appellent ligne à anglet, est marquée C. La ligne punctuée D. La ligne courbe, qui se fait avec le compas E. Et la ligne parallese est marquée F. Par le moyen desquelles lignes s'engendrent les intersections suivantes : sçavoir l'intersection de la ligne perpendiculaire, & de la ligne à niveau, qu'on dit orthogonale, & que les Massons appellent le trait quarré, & est marquée G. L'intersection des lignes courbes marquée H. Et l'intersection de la diagonale avec la ligne à niveau, & la ligne perpendiculaire marquée I. Toutes lesquelles lignes & intersections se peuvent faire par lignes punctées, comme il plaist à l'ouvrier.

